

復  
初  
齋  
詩  
集

復初齋詩集序

自漁洋先生取嚴滄浪以禪喻詩謂詩有別才非關學也於是格調流於空疎神韻淪於寥闕矣吾友覃溪蓋純乎以學爲詩者歟然近日如厲樊榭之沉博而其神理若專熟南宋事者亦平日精詣所到流露於不自知也而覃溪自諸經傳疏以及史傳之攷訂金石文字之爬梳皆貫徹洋溢於其詩雖所服膺在少陵瓣香在東坡而初不以一家執也然今媚學嗜古之士往往輒譏漁洋以爲利趨妍好耳而覃溪獨不敢貶漁洋其於帶經石帆之書竊附於著錄之列蓋其虛懷師仰前輩又如此今聞其及門王君實齋吳君蘭雪諸子編次其古

今體詩爲若干卷一時之博學有文者爭爲序之而覃  
溪獨以數十年前寒窗共研削之老友惟予知之最深  
也郵書乞予弁數言以規之卽此亦足見其不邀虛譽  
爾乾隆五十八年歲在癸丑夏六月朔同里友兄陸廷  
樞序

復初齋詩集總目

卷一

課餘存稿

壬申至  
癸未

古今體詩四十八首

卷二

藥洲集一

甲申冬至  
丙戌夏

古今體詩三十五首

卷三

藥洲集二

丙戌秋至  
丁亥夏

古今體詩五十一首

卷四

藥洲集三

丁亥夏至  
戊子正月

古今體詩六十六首

卷五

藥洲集四

戊子二月至  
己丑二月

古今體詩七十五首

卷六

藥洲集五

己丑二月  
至十二月

古今體詩九十七首

卷七

藥洲集六

庚寅春  
至七月

古今體詩八十三首

卷八

藥洲集七

庚寅八月至辛卯二月

古今體詩七十六首

卷九

藥洲集八

辛卯二月至壬辰正月

古今體詩八十一首

卷十

青棠書屋稿

壬辰二月至癸巳八月

古今體詩四十六首

卷十一

寶蘇室小艸一

癸巳九月至乙未正月

古今體詩三十九首

卷十二

寶蘇室小艸二

乙未二月至十月

古今體詩五十六首

卷十三

寶蘇室小艸三

乙未十一月至丙申四月

古今體詩九十一首

卷十四

寶蘇室小艸四

丙申五月至九月

古今體詩四十八首

卷十五

祕閣集六

丙申十月至  
丁酉八月

古今體詩七十六首

卷十六

祕閣集二

丁酉九月至  
戊戌四月

古今體詩六十七首

卷十七

祕閣集三

戊戌五月  
至十月

古今體詩五十六首

卷十八

祕閣集四

戊戌十一月  
至己亥正月

古今體詩九十一首



卷十九

祕閣集五

己亥二月至八月

古今體詩六十二首

卷二十

祕閣集六

己亥九月至庚子正月

古今體詩八十二首

卷二十一

祕閣集七

庚子二月至八月

古今體詩七十六首

卷二十二

祕閣集八

庚子九月至辛丑三月

古今體詩六十二首

卷二十三

石蘭集

辛丑四月  
至五月

古今體詩四十四首

卷二十四

枝軒集

辛丑閏五月  
至壬寅三月

古今體詩一百十六首

卷二十五

祕閣直廬集上

壬寅三月  
至十二月

古今體詩八十九首

卷二十六

祕閣直廬集下癸卯正月  
至八月

古今體詩六十一首

卷二十七

桑梓掄才集癸卯八月  
至十二月

古今體詩六十首

卷二十八

晉觀稿一甲辰正月  
至五月

古今體詩七十二首

卷二十九

晉觀稿二甲辰六月  
至十一月

古今體詩六十首

卷三十

晉觀稿三

甲辰十一月至乙巳五月

古今體詩八十四首

卷三十一

晉觀稿四

乙巳六月至十二月

古今體詩六十七首

卷三十二

晉觀稿五

丙午正月至八月

古今體詩一百四首

卷三十三

谷園集一

丙午九月至丁未五月

古今體詩六十八首

卷三十四

谷園集二

丁未六月至八月

古今體詩六十四首

卷三十五

谷園集三

丁未七月至戊申五月

古今體詩八十七首

卷三十六

谷園集四

戊申六月至己酉正月

古今體詩五十五首

卷三十七

谷園集五

己酉二月至閏五月

古今體詩七十五首

卷三十八

谷園集六

己酉六月至九月

古今體詩六十二首

卷三十九

谷園集七

己酉九月至十二月

古今體詩四十四首

石墨書樓集一

庚戌正月至三月

古今體詩二十八首

卷四十

石墨書樓集二

庚戌四月至十月

古今體詩五十三首

卷四十一

石墨書樓集三

庚戌十一月至辛亥三月

古今體詩六十三首

卷四十二

石墨書樓集四

辛亥四月至壬子正月

古今體詩四十五首

小石帆亭稿上

壬子正月

古今體詩十二首

卷四十三

小石帆亭稿上

壬子二月至六月

古今體詩六十四首

卷四十四

小石帆亭稿下

壬子七月至癸丑七月

古今體詩八十七首

卷四十五

蘇齋小艸一

癸丑八月至甲寅四月

古今體詩九十六首

卷四十六

蘇齋小艸二

甲寅四月至十月

古今體詩六十五首



卷四十七

蘇齋小艸三

甲寅十一月至乙卯七月

古今體詩七十九首

卷四十八

蘇齋小艸四

乙卯八月至丙辰四月

古今體詩四十七首

卷四十九

蘇齋小艸五

丙辰四月至十二月

古今體詩七十八首

卷五十

蘇齋小艸六

丁巳正月至八月

古今體詩一百八首

卷五十一

蘇齋小艸七

丁巳八月至戊午五月

古今體詩百十二首

卷五十二

蘇齋小艸八

戊午六月至己未二月

古今體詩百十三首

卷五十三

嵩緣艸一

己未二月至十二月

古今體詩九十七首

卷五十四

嵩緣艸二

庚申正月  
至七月

古今體詩六十三首

卷五十五

嵩緣艸三

庚申七月至  
辛酉二月

古今體詩六十四首

卷五十六

有鄰研齋稿上

辛酉十二月  
至癸亥七月

古今體詩七十四首

卷五十七

有鄰研齋稿下

癸亥八月至  
甲子七月

古今體詩七十七首

卷五十八

石畫軒艸一

甲子八月至乙丑二月

古今體詩七十三首

卷五十九

石畫軒艸二

乙丑二月至十二月

古今體詩七十九首

卷六十

石畫軒艸三

丙寅正月至十二月

古今體詩九十六首

卷六十一

石畫軒艸四

丁卯正月至十二月

古今體詩九十首

卷六十二

石畫軒艸五

戊辰正月至  
己巳九月

古今體詩八十六首

卷六十三

石畫軒艸六

己巳十月至  
庚午十二月

古今體詩八十二首

卷六十四

石畫軒艸七

辛未正月至  
壬申五月

古今體詩九十一首

卷六十五

石畫軒艸八

壬申六月至  
癸酉八月

古今體詩七十二首

卷六十六

石畫軒艸九

癸酉八月至  
甲戌五月

古今體詩七十二首

卷六十七

石畫軒艸十

甲戌六月至  
乙亥七月

古今體詩八十四首

卷六十八

石畫軒艸十一

乙亥八月至  
丙子十二月

古今體詩八十四首

卷六十九

石畫軒艸十二

丁丑正月  
至六月

古今體詩八十一首

卷七十

墨緣集

一丁丑六月至  
戊寅正月

古今體詩四十七首

是集原刻至六十六卷後四卷侯官李觀察曾經補刻  
攜板南歸今不知所在道光乙巳秋漢陽葉志詵重刊  
并記

復初齋詩集卷第一

大興 翁方綱

正

課餘存藁

壬申至  
癸未

壬申十月改庶吉士此以前之作山陰胡雲  
持以爲染帖括氣不可存也是冬以後專心  
習繙譯洎甲戌散館後習試席之作別錄爲  
帙是以合十二年僅存此一卷

入翰林院恭依

御製詩四首元韻

壬申

星垣蓬島鏡中春

天筆親題席上珍如此褒榮蒙



聖主誰無感激況微臣步趨曉日花甌影黻黼卿雲翰  
墨新賡和廿年名輩在畫欄遠讀重逡巡

儀舞周阿集鳳鸞琤珥玉佩藹衣冠人間綠字金書少

今日奎宮壁府看學士柏曾依井植劉井西瀛池槐記

覆亭園

前輩有瀛洲亭  
補種新槐賦

御河橋接紅牆影東面周遭

萬頃瀾

敢詡交游氣誼聯虔共天保鹿鳴篇讀書識字求忠孝

立志修途向聖賢排比琳琅珍月露鋪陳清祕富雲烟

肯徒藥榜霓裳詠四十人同擬衆仙

同年入院者  
四十一人

詞源萬派滙冲融著錄諸家一折衷八代韓公能振起

堂東  
韓祠羣經

御定益尊崇師儒唐宋規難並故事洪陳輯孰同

洪遵翰苑

羣書陳騷  
館閣錄

拜手賡歌千載遇光華復旦日方中

書杜偶題詩後 以下乙亥

自是精神畫不成非關意匠苦經營莫窺藩翰寧堂奧  
爰變丹青本玉瑩不可言傳猶拗怒竟如卓立未分明  
區區每下無高論尙見千秋作者情

唐元宗鵲鵲頌墨蹟卷

華萼樓前春日長麟德殿樹秋雲涼交枝合榦恣翔集  
五王共輦連邸坊脊令本自小雅義周公所以二叔傷  
申岐薛隋爵寵備終以泰伯比讓皇開元之初務敦本  
家國相慶娛時康不須羽翼慕丹餌自有鼓吹諧笙簧

龍鸞宛轉入波策飛鳴下上聞鏗鏘桂宮夜宴露猶溼  
黃髮兒齒期未央四海膠漆爲筆墨天保常棣同賡颺  
歐公會記廣陵見汝帖不及湖州藏何苦徵年到天寶  
青州石本來評量

趙明誠金石錄云明  
皇脊令頌天寶中刻

書漁洋先生唐詩十選後三首

裂月撐霆一語真可能盡廢後來人辨香故在王官谷  
却夢雲藍六六鱗

戴笠歸來臥石帆微言處處要重拈晚年不見官刊本  
空記胡家十樣籤

味外酸鹹絃外音尙言虎豹怯追尋如何肯似鍾山相  
別白區區苦用心

太液池蓮歌

樓臺金碧烟濛濛萬芙蕖在金碧中此池此水卽天上  
十洲三島灣環通瓊華峒峒宿海白西苑面面瀛臺風  
丹青玉溼淡泱泱芝栢藻井寒玲瓏曉光正襯九霞色  
明鏡堆出紅雲紅夜來葉葉滿明月一花一月圍紫  
官俄焉萬珠忽倒瀉合大圓景於虛空霓裾翠扇涼不  
覺但有一氣交沖融太平圖畫太和澤粉本都在雲錦  
叢西峯半倚飛閣出行人冉冉穿玉虹

分賦書畫故事得蕭翼賺蘭亭

永欣寺閣門限鐵珍藏已自陳天嘉開皇大業但石本  
是時初未嘗萌芽隋唐之際罕著錄誰令世有繭紙目

虬髯真人飛龍睛氣壓二王一千軸率更好手那得閑

早出趙葛湯馮閒永興河南入侍宴山東書生遂出關

詩成缸面一傾倒何怪心胸露同好用米元暉詩意真傳漫憶

永嘉臨陳迹空留越中考宋華安仁有越中考古錄乞兒一物理驪

山誤躡溫奴誰復看貞觀玉石移艮嶽太和宰相賦壯

丹今古茫茫如轉燭賸本賺人苦不足朱紹宗畫久莫

傳桑世昌書又旋續南宋畫院有朱紹宗蕭翼賺蘭亭圖

題雨三姪自莆田見寄小西湖畫展

去年得雨三始知吾家派從莆今得雨三札札中一幅

莆之湖湖出兩山題山泉本同派雖因城澗引東西不

比杭湖分裏外濛濛一線山繞城池池彎橋跨如帶去

年將歸夜語同夜語盡在此湖中梅峯烏石北轉東三

堰滙之一鏡空疏欄俯亭雲臥虹林園岳祠對房櫳明成

化開興化知一城地脈廻融融林巒青將縣郭蔽波瀾

潤與家園通芙蓉楊柳蔚深靚葭莢藻滋繁豐扇頭

小景畫不盡幾疊烟水搖春風吾家子姓多俊秀比聞

誦讀環兒童西湖尙有西源字湖有石刻西源二大字謂城西諸堰所發源也

畫山孰解尋山意端明宅子何處基夾滌艸堂誰復記

吾先桂陰刺桐陰髻山壺山近何地雨三屋住西湖邊

日餐湖綠哦湖烟安得隨君結茅屋岸花紅溼釣魚船

末七字蕭中先族人緯句也

### 趙大年橫卷

荷鄉清夏追右丞雪江漁軼陸晃能皆聞長圖挂素壁  
六月萬壑來寒冰香光昔此問王法尙云細遜皺層層  
試看矮絹開晚霽好風初掠漁家罾溪雲忽上捲溪樹  
得綠一熨川烟澄四山婷婷裊髮黛水光所沐非雲蒸  
誰家艸閣聽水響占此一片蒲蒲菱濃青淡翠蘸欲滴  
空曠焉有皺可勝水紋不動船笛起山容欲笑漁欸膺  
渺茫轉自丹綠出此意那得于朝陵後來鷗波一家派  
清遠却早兼吳興尙左生書跋然否已言萬卷未服膺

仇十州畫唐人詩意冊

長短吟落金碧手幅幅烟光自花柳題詩最惜馬君常  
此幅亦接宜興後當時再相獨遠嫌誰歟收葬知誼厚

社中一唱悲婁吟恨蓄吳兒作走狗騎馬少年美無度  
廿載跨步絲綸首豈但慚愧晝畫溪文貞忠介皆癸丑  
勁筆尙看徐庶子義聲相並楊維斗明政不綱賢奸混  
東林翻作涇渭藪玉石俱焚榱棟折疾風難語苦竹守  
吁嗟掩冊爲起立粉墨空多賸何有

沈石田小幅

自題云我愛慈孝鳥噪集千年樹  
寫作歲寒圖同氣宜親顧石田老

人靜攝于

天寧僧舍閣後有崇邱巨

木怪石清泉羣鴉環集寫以志興

天寧寺閣花冥冥羣鳥早晚聽講經老人罷筇攝以息  
斜日落景崇邱青城頭山鐘報客晚城中老母待兒飯  
門前泉罅板約斜一一歸飛送橫嶽

二月十九日西苑直廬用壁間崔南有中丞韻



二首

以下已卯

紗窗賡莫雨

乙亥四月八日奉詔和詩事也

御札屬詞臣三載重來此當春倍感人枝紅迎宿羽沼綠接遊鱗苑內輕風到先除戶榻塵

前輩箴規句他時獻納臣讌談皆典故笑語憶同人

甲戌

乙亥同直西苑如吳雲巖敬蓮峯邵蔚田梁山舟紀心齋謝金圃王元亭馬繡壤諸君子今皆不同直矣

圃容幽鳥詞源起涸鱗頻年心力弱撫分敢追塵

時先太孺

人喪初除也

玉蔭嘉穀歌

帝握璣鏡開珠囊宵衣旰食周萬方精誠貫徹格上下方社陟降依壇場雕禾翠羽飾罍罍朱絃絳鼓諧官商

鬱鬯浮金制自昔靈官饌玉古未詳

帝曰傳稱蔭嘉穀義通蒼壁與赤璋

詔下禮官肇用薦正值盛樂調笙簧是日

天步出左个當壇祝幣陳中央金水橋邊肅一氣沐浴  
百寶凝百祥浮筠朗朗照籩豆陞城奕奕騰輝光千官  
靜就陪跪位微風不動蔥珩璜竊惟太陰韞于石潤澤  
百艸陰含陽盛德之精降爲穀上應玉衡臨戴筐深山  
往往見紫氣能辟水旱占豐穰此皆

聖人默感召醇和布濩流滂洋溫潤鎮密本

全德仁智忠信胥中藏穀用時成物時若神之降祐帝  
降康臣聞昌城出玉蘂又聞膏出丹水傍或夜可照或

可食豈比真積千倉箱黃流瓚發黍稷氣藍田烟出餅  
餌香三脊六穗瑞行致九州五土田旣臧拜手矢詩玉  
螭下四時玉燭調無疆

李希古畫盧鴻艸堂圖

艸堂當日已有圖伯時曾云幾臨摹何年畫院八十叟  
別開生面窮朝晡唐時隱逸未易數終南捷徑前有盧  
買山豈必擇佳處終南少室夫何殊范陽先生嵩陽客  
萬錢勅賜巖隱居因谿資阜頗翦飾入機杼有歸於無  
輕寥一氣觀宇宙若感萬物於芑愚所以守禮必忠信  
置酒不拜來東都考父滋恭有明詔泰一道曰中庸符  
拂袖歸歟理徽玉雲松蔦蘿乃我徒三花樹子萬古綠

此堂此室開元初畫手未必知此意冊中幅幅皆可盧

德州道中感舊

夜宿景州城涼月挂孤村曉發劉智社宿霧開曦暎歷  
歷間林木迤迤溯平原念我昔先人客此七寒暄全家  
十口計宦途故人存皤皤新臺令

吳公穆

託孤仗一言誰

能生死交終始氣誼敦遠投薛家莊逕扣蘇公門蘇公

古君子於舊非賓婚命兒拜吾父相好若弟昆延師共

誦讀不徒日饗殮饋遺困麥禾甘肥柵鷄豚吾父得仰

事時復陟邱樊因懷幼小日往來齊與恩

州南卽恩縣

鬱紆

弟妹思躑躅涕淚痕事過七十年山溪逝潺湲齊東到

鄭口往蹟但瓜瓞昨逢賢太守

河間杜太守甲

具說蘇氏園江

南舊田宅歲久失考援至今食舊德且復望諸孫語及

吾先祖東人祀蘋蘩當時同官良及述頌德繁

太守言  
秦某者

令齊東曾  
識先祖

嗚呼一丞耳清白人知尊小子忝負荷空歎

日月奔又聞吳嗣君性行粹且溫近在郡中住遲我返

南轅留此弗信宿未奉丈人樽蘇吳我諸父不以賓友

論書札久稀濶車馬徒囂喧晚食茆店黍忍刈牆葵根

店西四女祠慈鴉噪頽垣嘗聞先人說省姊此停軒先

人姊吾姑孫子今頗蕃耕鋤守窮賤羽翮難飛翻更誰

知舊事相與尋本源南去投古驛落日林烟昏

高昭德中丞招同裘漫士司農錢稼軒司空集

雲龍山登放鶴亭四首

初見吳山碧，褰裳卽翠微。共因旌節駐，不礙岫雲飛。  
樓已移招鶴，舊有招鶴樓亭仍號試衣。晚來高頂坐，衆牖一晴

暉。

客路旬經雨，林巒翠倚空。不知秋暑氣，直與岱淮通。  
舊夢千渦沫，思尋百步洪。大河西落日，穿漏一山紅。

山人種秫去，玉局有遺文。何處佇丹頂，諸天空白雲。  
櫻桃風已過，泗石磬猶聞。半夜前峯響，摩霄誰與羣。

爲訪蘇顏字，還升禮樂堂。

雲龍書院

崖偏添客館，石又醉茅

岡。雲月流車騎，鐘魚墮渺茫。明晨踏堤去，回首霧蒼蒼。

舒城道中和香樹錢先生山行韻

稠疊夢中山，歸路喜重覲。桐城舒城間，巉絕誰出右。畧

無一峯似大抵萬綠皺橫側紛聯綿繚曲更迴復昔過  
山態濃紅攢復紫門今來山骨立削隼而翔鷺迥乎谿  
壑變秋老木堅瘦長林畏佳起真籟發肌腠掩擁收昔  
遁穎脫新貫後叢叢雲表石厯厯林端堦屢訝百磴轉  
不覺一村又境則視人領目肯爲山囿公來十載餘蹟  
須千載壽長嘯欲從公一證江山秀

先生丁卯庚午  
兩典江西鄉試

右軍書扇圖二首

右軍微笑婉容嗔未識前年修稷人落落虞繇書表意  
偶然槩几是天真

梁虞繇論書表敘此事在罷會稽時  
按右軍誓墓文罷郡當永和十一年

絲竹東山待合并偏來較量市中情尙書正料王懷祖  
閑閣朝朝聽角聲

同錢蘊石朱竹君春浦三編修仲君明府王氏

園六首

庚辰

寒食西郊路春陰正養花開園煩地主問酒近村家屋  
老當林缺橋欹又逕斜同來夕凭處猶認綠窻紗

舊日緣溪竹千竿出屋高藤陰曾悵望檻外幾周遭

去年

四月來此有入門尋舊  
竹綴架有新藤之句

雨膩鶯初囀春空水半篙坡前

折廊後已復惜山桃

穠李沿蹊白垂楊拂水黃揔無閒樹石盡占好風光携  
榼茆亭下鋪茵淺渚旁縈迴隨坐臥領畧未教忙  
春色濃如此臨溪合有樓遠宜紅晚映高恰綠全收隔  
歲萍猶在微暄荻已抽中央亭未到只少櫂輕舟



花氣風相遞池光雨盡

上聲

吞蕪松旋煮茗溼榻更移樽

邈迤憑高阜迷離見遠村誰家烟翠裏新漲一柴門

鵝鴨所前後豐宜門半晴好風車幔捲斜日釣竿橫芍

藥期須卜丁香信早萌諸公仍有約上巳接清明地名鵝鴨所

春日懷謝蘊山

以下壬午

嚶嚶語託苑枝深九十九灣思汝心朔雪詩來和玉笛

東風律已叶瑤琴蘇潭梧毳迎暄長庾嶺梅緘隔歲尋

森森芙蓉江正綠初歸北望恐難禁

南康有九十九曲水

大業二年鄭州刺史爲子祈疾記拓本

書生識記龍鳳質鄭州岐州纔五春扶桑爲弓要髯挂

不繫滎陽之郡河水濱蒙公損患酬公賜鄆縣猶存艸  
堂寺其時天策學士府未開誰從押署行楷字後來百  
戰想經過往復兩京此師次率先突陳無瘡痍蒼生家  
國一戎衣翻教數日患病帖響搗千秋閣本疑

玉枕蘭亭和象星作

以下癸未

南渡秘本百十七何如賈相匣八千尙聞日向內府乞  
悅生別錄標題傳瑪瑙亭荒石未泐北兵南下收不得  
空餘御題一曲湖賜作孤山後邊宅集芳園宴夜未終  
碣砭小枕光映空碧羅帷側燈影下努趯曲折承春風  
寫生兼作籠鵝人有右軍小像不獨棠梨能逼真褚公嬋娟  
儼題絹薛帥輾轉徒易珉趙家肥本又官庫世綵堂碑

幾風露只應留與廖瑩中仿佛摩挲牡丹賦

象星以和吳淵穎題錢舜舉張麗華侍女汲井  
圖詩見示因賦此

西風故宮吹井槐雪川老翁生遠哀心在臺城輓轡上  
貌得臨春結綺開宮粧那仿周文矩斜挽曉鬟雲一縷  
想像湖邊鷄始鳴南埭空涼夜來雨

和虞道園丙吉問牛喘圖

吐茵兒發囊赤白不救途中血狼籍獨持大體職股肱  
政要人情極剖析特牛畫出五鳳年問者褰帷牧者鞭  
穉陽候氣遽如許歸昌應律誰節宣鵲飛幾日來大屋  
亦說能名遜潁川

同裕軒侍讀薈石庶子西齋中允祖氏亭看荷  
步尋水頭村晚飯黃氏田舍憇大慈寺三首

十畝秧畦外差差萬柄荷石橋飛雨過茅店得風多坐  
臥皆高柳田塘一綠波偶然雙白鷺飛上釣人蓑

徐沿水聲去應識水頭村樹臥如爭渡蘿高不易捫頽  
隍尋麗澤遺字問金源已復嗟人事王家見廢園

佛院藤蕉荔人家薤韭蔥晚晴魚罟照涼思豆花風稻  
隱苔幢綠萱依繡字紅

寺有明萬厯三十三年五月水陳氏女繡藥師經極精楷

源終未到半日太匆匆

### 石谷小幘

空澗無人境獅林悟鶴林苔衣何日長池水向來深石

澹晚秋色雲閑太古心風松露竹外更有寂寥音

仇十州畫杜牧之山行詩小幀同內子韻

脂車擔簦秋有陰物役水照秋更深春風十里珠簾卷  
不知何處得此心深山大澤黯行旅天涯暮雪愁空林  
蒹葭蒼蒼霜又老但摹殘陽如滲金

白陽梅花同內子韻

圈空瓣作絲絲鐵古篆無鋒拗不折只有迴文飛鳥勢  
落月昏陰耿庭雪朦朧萌拆被詩覺烟霧橫斜吹玉裂  
漢皋春動弄珠人吳兒石腸那知熱

馬麟畫

未須蛺蝶撲羅純想得楊家妹子看借問如何著風露

寒禽相並不知寒

唐泰山磨崖銘

完完鬱色千字存此搨二百年前論神飛四千九百丈  
手摸日觀凌天門鸞翔鳳翥磴道表俯照碧海黃河奔  
宏農歌未兆得俸都董切金輪拜洛壇已燔不聞后妃與

獻禮景雲舞鶴登降煩金繩玉檢貞觀議乾封朝觀碑  
字昏猶言禮備德施溥告成之義垂後昆紺珠記事張  
學士定儀遂抗臨漳源黑龍旣伏大弧利白驪還等封  
樹尊升山執事官穰穰陝右上黨接太原兵三十萬五  
百里金橋畫本軒乾坤當時精禋叩秘玉意薄前代求  
仙言四明狂客亦謫諫出牒受福於黎元河東祈穀河

北賜青齊充濮胥拜恩四方治定歲大稔宜薦鬱伯天  
帝孫上帝之休祖考慶若述后穰歌姜嫄又云慈惠儆  
在位何異懲鑒桃蟲飢使其守此弗踰越頌美豈必嫌  
文繁八分雄傑去臃腫四言典質追胚渾歐陽集古所  
未錄遠思歛夢岱頂騫摩挲七十有二代古篆風雨長  
松根

沈氏則書朱子年譜墨蹟

七十年可千萬載胡紘林栗今安在雲間沈度再拜書  
不比尋常墨精彩如此文字記姓名軒乎天地自磊磊  
丈夫把筆要書此李邕滿望將毋浼度也亦是純孝人  
兄弟雍容同樂愷初人官時寫金冊有此敬謹心無怠

排年章句與集註六經菽粟史菹醢民生日用於此中  
兩手生胝百不悔惜也爾時此楷畫未磨成均石硯礪  
熹平正始三體後傳疏口義功增倍訂其訛誤從其是  
揆彼籀文一終亥姿媚徒啓華亭派發洩直到董元宰  
流傳藝林競摹榻歐虞家法供授採笑我城陰晚涼句  
讚歎僧寮法華海城北覺生寺有永樂中鑄  
銅鐘上鐫民則書法華經  
蘇文忠說研墨跡卷或謂居士吾當徒端溪可  
為公購研居士曰吾兩手  
其一解寫字而有三研何以多為曰以備損壞  
居士曰吾手或先研壞曰真手不壞居士曰真  
研不損紹聖二  
年臘月七日賦

世間成壞難具論此研此手終誰真逍遙堂下雙蠟展  
豐樂橋邊一釣綸和陶自作贈答釋何止起舞成三人



相依石墨著而黑叅軍長老時扣門四百二峯在胸臆  
七十九墨空烟雲

東坡嘗自言吾有佳墨七十  
九而求之不已不近愚耶

勒諸研

銘已多事傳此手帖嗟何因退密齋中皮復久寶顏堂  
笈完如新何郎所收借觀屢錢子爲之酒重陳小窻松  
風作鼓吹俄頃念念還塵塵物不自足問伯以又到臘

雪盆梅春

物不自足東坡居士研背  
銘語也見晁以道嵩山集

復初齋詩集卷第二

大興 翁方綱 正三

藥洲集一

甲申冬至  
丙戌夏

甲申秋奉

命視學廣東至辛卯秋役竣凡三任八年舟車之次所

得詩凡存八卷

次象星合浦道中觀燒田韻

以下甲申

肩輿沙田上早霧半涼燠家家起放燒  
燄燄紅滿麓冬寒餘宿莽榛翳積平陸  
是可代加糞不獨豁遠目出田還覆田  
鑽木而火木烟生若爨甑引如爆竹束  
縕男婦共抱薪亞旅逐蓼同朽以薶黍  
定暖于谷我聞南人

畜音奢功較北方速班史紀火耕水耨候齊卜周官掌艸  
人稼下地先熟豈必泥古然要取便民足隨地有制宜  
多穫不爲黷行見粟滿廩固勝珠盈掬此鄉人力穡無  
閒農商族遠暨僮與崖比屋寡枵腹海濱知務本得非  
土風淑顧惟秀良輩歸去亦牽犢修禮與陳義耕種計  
盡夙所爲理身心初不待笞扑尙期亟孜孜勿可安粥  
粥茅拔穢可芟末茂根應育職思無太康旣富在方穀  
庶借章俊民以報樂歲福

寄懷西齋時守慶遠

兩粵相望夢未通柯亭艸暖又春風如君粹美真三益  
況我追陪是十同

嘗語西齋吾二人有十同同生京師  
鄉試同舉會試同甲同出桐城張中

咬師之門同選庶常同授編修同爲中允同充講官同  
通考館纂修又西齋提調庶常館而予教習庶常也

八桂樹連南嶺綠叢蘭花照右江紅依然索畫題詩意

回首簪裾

禁苑東

慶遠多紅蘭去年曾約揮石作紅蘭圖而予與蔚田漁湖松坪題詩

以贈西齋之行後舊石未及畫數人詩亦未就

### 電白山行

夕栖俯近渚晨馭面陽崖遵陸旣已紆陟嶽良復佳平  
林散初旭遠水澄蒼蘊慈龍帶阡陌晡霽明荆柴吉了  
奮其語百舌喧以喈曠彼觀物理觀此寥芳懷微茫松  
蘿陰邈迤篁茅隈方塞南山霧匪翦北山萊

### 熱水池

道出電陽西大石如困廕下有三折水與石相碾磕寺

門才一楹堂竈通畎澮濔濔四邊來山溜不在外閉冷

澹斯溫一氣坎離兌奚暇峯後前下上別涂蔡碑有涂公上池

蔡公下池振衣亭雖舊浴沂石何在摩挲苔色久翰墨緬前

輩崖東大石翰林程公書浴沂石三字未及訪之道人自烹茗僮僕紛解帶我

坐數上聲小礫微風漱清瀨

陽春山洞乳石

船頭峩峩如架屋石角外向黝以堅窅然一線窟地底  
其內乃有鐘乳懸初入却疑山倒豎谿谿四柱垂人肩  
長者簷牙短斗拱諦視始敢捫衣前怒如虎豹攫筍簩  
矗如鳥雀翬雲烟糾蟠千條玉柱篆融結一氣兜羅綿  
中央無根已離地絕頂有穴仍通天箭筈一門自後望

屋霽百步夫誰穿  
巖如水激鬣如削  
嵌空何以如規圓  
青蒼陰溼難久立  
吹衣洞口風泠然  
上船詩成山已過  
恨不乳頭細字鏤

新興山行

培塿無松柏  
堂密有美樅  
邇逕寡峻特  
幽偏緬貞容  
舍櫂復緣陸  
曠莽皆連墉  
逶迤表裏出  
龕厂尻首從  
精色卓鏐鐵  
凸輝隱瑤琮  
旣蒸雲嵐秀  
亦納泉澗衝  
朝霧升峯崒  
春霖解丰茸  
遠翠信歸馬  
修篁惜去筇  
習坎理詎滯  
敦艮思彌重  
敢憚扁矣陟  
庶遂栽者逢

藥洲次石上宋人韻

以下乙酉

明愛蓮亭宋藥洲幾年疏石引清流  
閱人最有七榕樹

已見槎枒回萬牛

潮州謁韓祠十韻

公來八月住地特愛東山栽植龍慈處

公手植橡木

登臨莽

蒼上間淳熙重建屋

郡守丁允元

文惠昔披營

宋咸平二年陳文惠公倅

潮始建祠于韓山

亭已南珠換

祠舊在城南其

人猶北斗攀升

階循岌業鑿井問潺湲神豈潮專在文卑漢以還起衰

隨地化原道尚堂顏

韓山書院有原道堂

峯倚青三架

一名筆江架山

空碧一灣蘇公文不朽元祐蹟誰扳剩有重摹字模糊

綠蘇斑

蘇碑久不存今廟中成化間重刻已漫漶

飛泉亭觀瀑用蘇詩廬山韻二首

并序

文忠遊廬山擇其尤佳者作漱玉亭三峽橋二詩予以

乙酉四月十一日重經飛來寺大雨後坐半山飛泉亭  
觀瀑布疑不減廬山之勝用蘇韻付寺僧

攝衣步層石一路吹松風逕訪坡公蹟綠蘚纏蛟龍忽  
聞殷殷雷洶激生半空千尺太古雪百道交石硤欲尋  
淙碧軒由西復轉東對此何忍去宛然水晶宮珠簾與  
銀橋一一移天公直分雲漢響飛瀉珠江中

山頂到山下日日泉通溜況此疾雨過急峽高江鬪客  
欲尋山椒線路繞其右我非畏路滑但坐仰石竇蒼藤  
震啼鵲長松落飛猱白翻溪更怒綠洗山逾瘦淨水磨  
大硯筆墨歌舞奏亦不讓新泉脫手箭發鼓興到風雨  
快掃罷尙長晝但乞泉一甕烹茶助芳漱



寄題翁山

山在翁源縣東百里相傳周王以翁山封庶子子孫因山爲氏

翁源之號因翁山千仞拔起羅江間我目未到夢已到  
秀色髣髴來韶關下臨雷溪儼襟帶亘三百里排烟鬟  
二仙蹟留靈池側八泉響注湏江灣樵子臨流見洗藥  
居人飲水皆芝顏山以翁名水亦爾重岡複礪相廻環  
傳聞王子此受封以山爲姓姓始頒吾家方伯來嶺海  
作歌溯自周以還別白道里證譜系是非同異誰能刪  
明布政使翁大立翁山歌周王昔都豐與鎬王孫未必封遠道始封之地尚須考云云因探地志  
問郡事我祖秉鐸于荒蠻十一世祖翰林檢討醉庵公曾教諭韶之仁化况今  
芳菲遍巖嶠肯使蘭桂遺榛菅紹述先型勉勵志却對  
山石慙冥頑作詩因風寄山麓韶江綠漲聲潺潺

舟過英德期遊碧落洞不果用蘇韻

巖峻葛可捫江濶葦易橫以茲兩目緣企彼衆妙并似  
聞說仙臺儼在白玉京迢遙翁源水悵望英德城南有  
寒翠亭岸古亭亦傾大觀及淳祐題字猶分明縣令支  
遁孫邀我憇濯纓世無左元放石室誰逢迎艸滿蛇虎  
伏土人語共驚坐誦到難篇落日蒼烟平

洞有唐周夔到難篇

韓文公釣臺

陽山

雲生牧民山風起松桂林釋彼縣前纜陟此溪上岑綠  
蘇冒文石清泉流玉琴堦級雖數武仰止儼千尋中有  
歸然祠遺像照至今想見宏與冊侍坐同幽襟

公送區宏詩云

或採于薄漁于磯送區冊序云與之蔭嘉林坐石磯投竿而漁

何不以配食庶爲來者

箴嘉定嘉靖後姓字紛碑陰蒼茫起衰意空亭感我心  
徘徊短垣下涼雨來江潯

光孝寺觀貫休畫羅漢

古綃蒼茫四三尺朱云二僧實則一房融授經此譯經  
訶林西廊之禪室不比臨流倚石各殊形烏皮曲几筆  
不停旁一靜者乃侍者禪意參人雙深睛垂髮老猿拳  
握帚轉似龐眉大準僧貌醜伏虎圖尙恐混真何況元  
人之筆敢來偶伏虎一幀亦稱休作又元人應真圖一大小篆書上下三  
十家何似衲衣線補千條斜海潮聲來殷高壁誰是石  
霜老師役

陪盧抱經學士劉象山吏部遊光孝六榕二寺

登鎮海樓和諸城座師韻二首

梁唐嘉植尙層欄六樹根株欲辨難到寺渾隨廊影轉  
登樓全借水光寒靈峯脈遶城三面碧海晴分島一丸  
澹合寥空起沿溯廻雲斷靄共盤桓

並馬街西石路平風鈴響答徹重城連林雀噪羣喧定

向浦珠光一色橫閑共師門論舊事

象山爲諸城師猶子

我來歲

序已堪驚

予視學粵東一年矣

使星又得同年到樽酒江山倍眼

明

徐季海墨蹟卷歌

方新齋樵使所贈

廣平之子得隸法遠比籀篆蛟蛇走嵩陽觀帖不空碑  
石泐一二傳已偶題經墨蹟小最奇正書大幅幾曾有

君安得此八尺卷賜櫻桃詩字如手龍圖閣寶蘇張印  
大星磊砢拱珠斗西山小楷莊不佻擬以平原蓋非苟  
述書始信寶泉言鍾門王後令範首持以娛客遂脫贈  
是日庭樹飛秋後瀑雨聲捲海潮來如渴驥奔怒猊吼  
姪姪逶迤勢尙留瀕洞淋漓眩良久報君高歌一題壁  
不用越州缸面酒

有龍圖閣寶眉山南軒諸印真西山跋尾

拱北樓刻漏歌

樓在今布政司南其地本番禺二山之交劉襲削平之疊石建

雙闕其上宋經畧司馬攸重建改雙闕爲雙門上有刻漏元延祐五年十二月十六日廣州宣慰司陳用和造在樓第二層東偏甃級累置其上凡四壺大者高六尺餘其三遞減一尺圍俱視所高而殺時辰籌樹小壺中有銅尺衡壺面遇其時則字浮尺間樓上時辰牌樓下時辰香焉

宋時雙闕今雙門上有銅漏司朝昏高者六尺下三尺  
四壺一線相吐吞箭浮壺中尺浮面晝夜百刻如泉奔  
菊識延祐五年字宣慰司造記自元權器衡渠肇往古  
會稽官漏豈異源金水相終有妙理機甌不作誰與論  
陸無新刻漏銘今之官漏出自會稽陸機南海井水冬  
刻漏賦寤蟾蜍之棲月識金水之相終不凍不煩火守常春溫樓下人家炷香賣樓頭測表曦  
暉瞰凭窻望海甫亭午樓陰正直雙榕根

九曜石歌

以下丙戌

九曜亭邊九曜石南漢劉龔故苑之遺跡愛蓮種蓮事  
俱往千載仙湖水猶碧前秋訪石因登亭周遭顧盼疑  
列星五日輒乘使車去未得剡苔剔蘚恣留停古色摩

準入夢寐巾箱仿佛圖真形一石圓頂如建瓴危根下  
削漱清冷一石四達如疏櫺旁有直榦撐竒岬樹與石  
抱石轉青往往樹皆過百齡不獨昔日太湖靈壁浮海  
至影沙激浪增瓏玲崩雲散雪那邊一一數但覺嵌崟  
碑兀勢欲凌滄溟昨歸經冬水初退坐看家僮洗萍塊  
雨溜磨崖字尙存泥淤仙掌痕還在盧程許刻次第尋  
陳九仙書竟晦昧不知米家詩句刻何處想在老榕巨  
根內文藻同時有傳否亭沼何心嘆興廢九曜石今日  
誰能識音爲九一石獨合三石成此語聞又百年後藥  
洲兩字亦是元章題斜日蒼烟但翹首

九曜石在藥洲旁南漢劉龔罰罪人移自太湖靈壁

浮海而至石凡九其一在今布政使後堂東院其八  
在使院後池中西北一石正面中刻轉運使度支郎  
中金君卿正叔轉運判官太子中舍許彥先覺之管  
勾文字殿中丞金材拙翁門人成度公適熙寧癸丑  
中伏泛舟避暑左刻花藥氛氲海上洲水中雲影帶  
沙流直應路與銀潢接槎客時來犯斗牛彥先再遊  
移穠穠穠穠侍熙寧甲寅上巳右刻廣東經畧安撫  
使起居舍人龍圖閣待制曾布子宣轉運副使都官  
外郎向宗旦公美轉運副使屯田外郎缺二字通道濟  
前廣西轉運判官太常缺二字賡聲叔元豐元年正月  
晦日遊下有康熙五十一年學使楚安鄉張明先和



許覺之韻詩又右刻程師孟金君卿李宗儀許彥先  
同遊藥洲熙寧甲寅上元日題其下八分書鄒非熊  
宗望管湛之天步自葛仙洲煮茶景濂堂采菊筠谷  
榜舟九曜石下摩挲前賢題刻而去淳熙戊申十月  
丁卯東一石上有掌跡長尺二寸吳鵬八分仙掌二  
字旁有米元章詩今石仆泥中僅露一面榕根蟠其  
上米詩不可尋矣又旁八分書嘉熙三年己亥元巳  
九仙野使陳疇少錫泛舟仙湖觀仙掌石摩挲蘇刻  
誦米南宮詩奇哉弟尉同少林孫成之可大甥林璞  
藏用侍臨江蕭缺二東嘉吳偉茂遠清沅趙時瑒躬  
玉長樂陳子缺一茂客也此段載廣州志今止露二

十一字以下盡為榕根所踞中刻至正甲申秋余奉

天子命來鎮東廣適官舍介於仙湖之東缺七觀仙

掌石刻乃宋嘉熙蕭大山缺八宛然如新案郡志仙

湖舊名石洲缺七石號九曜而仙掌蓋居其一焉缺八

字興斯石屹然猶存余隴志作余隴今細九仙之跡

缺七慨然興歎遂識諸歲月俾後之來者亦缺五而

刻銘無窮其臻千古之勝槩以缺七句云星躔文囿

劍池頭月地缺七壯遊推太華又觀仙掌五羊洲至

正缺六中缺一大夫廣東道宣慰使都元帥缺七敦

詩誌令史韋缺一安書丹亦八分書池中破石上刻

嘉熙庚子孟秋長樂黃朴成父約同郡唐璘伯玉蒲

田劉克莊潛夫泛舟仙湖湖多怪石其二峯尤壯偉

乃宅厥中而作亭焉左盤右踞勢若相

峽一字

而巖巖

挺立又類乎守道不屈者遂磨崖以識之下刻重脩

濂溪書院記成化八年廣東提學僉事新喻胡榮書

又一石刻士宏子高昌衡平甫元規正叔安道子適

丙午仲春十五日題不著時代志載盧士宏字子高

新鄭人治平元年知廣州丙午爲治平三年此在諸

刻其最古者矣程師孟曾布皆知廣州賈昌衡治平

中轉運使盧畫防守策招諭諸蠻程大修學校負笈

者衆諸番子弟皆願入學會卽南豐弟程字公闢王

荆公詩豫章太守吳郡郎是也許彥先始興人天聖

乙丑進士深于易劉克莊廣東提刑

職官志蓋此地作推官

自劉氏鑿仙湖與藥洲通宋熙寧中周濂溪先生提刑廣南嘗居之至嘉定中經畧陳峴重疏湖水輦劉氏故苑奇石置其有建堂濬池遶植白蓮士大夫多泛舟觴詠後人建書院有愛蓮亭明嘉靖初學使莊渠魏公校改建學署國初署遷育賢坊至康熙五十一年學使洞庭張公明先始修復焉志稱九石高八九尺或丈餘一石獨大合三石爲之下有數石筍長三尺許瑳如雪今無復能指爲某石者矣石日與沙水相蕩激昔人題識漸就銷泐予於前年九月來視學到署五日出按諸郡未暇以觀至今歲正月水

縮命工拓之仙掌橫臥老榕下其露出之字爲泥所  
沒洗刷數日而後辨之石理溼不可著紙火烘之乃  
可拓凡四日拓得大小紙十藏諸篋衍庶以仿佛前  
賢之流風耳旣歌之而跋于後

東坡笠屐圖研

并序

研長八寸八分廣五寸五分厚一寸一分背刻趙子固  
畫東坡像戴笠著屐手策竹杖右子固二字印下文彭  
二字左紫芝生藏四字下俞緇紫芝生印左側下濟之  
印又下王澍識九字研匣上虛舟自書贊其序曰東坡  
在儋耳嘗與軍使張中訪黎子雲中途值雨乃於農家  
假簍笠木屐戴當作履而歸婦人小兒相隨爭笑邑犬

當午自撥巖間雲四山釀雨猶未雨滃滃氣吐如蒸饌

水月禪扉置不扣直探石戶窮無垠

大巖南北二門南門外有水月宮

是爲南門壁南向其高百丈臨江濱半厓字疑飛鳥跡

緣危何以施斧斤洞外爲雲內爲乳千簷萬柱攢牙齧

天井一線通絕頂有雲來往仍氤氲一條石梁跨杳杳

幾折石磴流沄沄苔鋪路盡蒼翠跡壁立屏忽錦繡紋

岌岌石牀架空起上有繚繞旃檀焚溼潤還疑雨痕溜

高朗果欲星精分捫參厯井極竄窳紫宮華蓋垂綢緼

平坐已近魁三象長嘯可接雲中君傳說百神此覲帝

帝糾北斗歆苾苾至今石鐘石鼓響尙似廣樂鈞天聞

鳴鳴海螺生礪罅逢逢天籟出土墳

洞中竅穴覆衣而扣之作鼓聲杖擊

則鐘聲其一在厓間者小如掩吹之如信知空山有雷  
海螺又以石擊巖地亦鼓聲謂之地鼓轉何必俛穴占風薰璇璣臺北北門口瀝湖稊稻香蓋  
蓋扶筐扶箱主桑苧瓠瓜織女來耕耘辟支仙掌雖未  
上到此直匹羣仙羣演洞淋漓雨恐作迴出巖下纔斜  
嚙

李北海石室記 大巖洞口

趙湖州昔錄金石至晚始見六公篇胡履靈書董道跋  
尙想斷鰲立極年江夏聲華照當代碑版文字萬口傳  
不獨文絕書亦絕陽冰猶且推爲仙八分或厠韓擇木  
贈歙州作傳疑焉豈知正書用分法于此珠斗光中鏘  
伏苓芝耶黃仙鶴世間好手誰能然鬱鬱千將莫邪氣

星芒萬丈當空懸託宿秘篆傲神府挾琴擊石兼酌泉

字缺十一存十九辨者三百四十八字缺者三十二字行行有似飛雲烟

括州北海未涖日惜未補入歐朱編歐陽集古錄朱長文墨池編皆以此

記為張庭珪書景福大字石扉下俗工競以丹黃填藏口內景福二大字

亦北古墨齋空六礎失雲麾之本訛相沿北海書雲麾將軍李秀碑

昔宛平令掘地得六礎建古墨齋貯之漁洋入粵評粵刻羽皇焉及天寶

前王司寇居易錄云東粵石刻惟浪陽峽周勿怪響塌夔到難一篇最古是未知北海此記也

世少見其始難合久必全摩挲蒼蘚忘凝立暮雨飛下

青崖巔

郭功父石室刻字

謝家青山終古青畫圖但取黃鸝聽却來海上欸石戶



俯弄巖下溪流，淳紀遊先後，勒歲月入石，光怪生精靈。  
想像金陵樓上筆，何必太白爲模型。人傳洞口字磨滅，  
拓工不識北海銘。豈知短李筆亦勁，層雲尙爾霾巖局。  
此令人反惆悵，重當飛步捫七星。

阮俞逕

在峽山飛來寺相傳黃帝二庶子采阮俞之竹爲黃鐘管吹之鳳凰來集遂與

二臣俱隱此

緣江萬个青猗猗，一逕到古飛來基。寺自蕭梁逕更古，  
曾與帝子裁參差。太禹仲陽降南海，曰初曰武執策隨。  
不同奉使訪大夏，審音自採含風枝。伯也峽南仲峽北，  
鏘鳴叶奏如埴篴。七十二峯盡響應，丹鳳拊翼鳳來儀。

至今修林月明下仿佛遺韻堪攀追南交千古堯始宅  
五帝之際誰道之挂角寺猶二禺託奏樂石亦傳后夔  
得毋精靈自感召巖穴吐納非虛爲大塊清音豈絲竹  
至樂萬古無成虧山頭尙有黃鍾管披雲翳日烟葳蕤  
第三橋側僧佇立深夜或冀來雲旗我下半山一長嘯  
滿厓綠雨飛涼漪

中宿峽

潮至此一  
夕還故名

夜半二禺響知是五羊潮何意萬壑風泉落飛薨標古  
寺儼傑閣衆木森鮮條時時北禺雲蓊蓊南禺椒翠屏  
旣邐迤深洞彌沱寥兩厓拓石篆一逕緣陵茗七灣月  
明夜步上第三橋俯聞水底鐘仰聆帝子簫

北禺下有  
鐘樓剛舊

懸一巨鐘飛入水每寺中伐鼓水底隱隱相應  
漁者歌云山上鐘聲水底聞南禺飛落北禺雲

碧落洞

舍舟步平陸老竹翳石塊竹閒似豹聲時有村犬吠石  
如龍虎骨又類劈松檜潺潺水漸響知出石室內羣峯  
初廻合兩壁忽如對架厂承以楹其旁出困瘡想卽蛻  
仙臺雲華記何在到難艸隸字大出尺尋外碧瀾寸寸  
色澹與空光會不雨而溟濛白雲滿夢蘄寺僧但炊飯  
汲水擣石碓余亦還步出纖月映山背

宋徽宗畫貓卷

上清寶籙賜詩遍曲讌初開紫宸殿特製狸奴爲太師  
不獨花陰跋團扇寫生戲乳情不同襯以竹葉棠子紅

晴勢長斜不虛撲上有一雙棘雀搖秋風宣和插架多  
黃筌六百七十軸裏描銜蟬牡丹螻蛄荔枝荷鰓能否此  
卷相爭先仿佛雲圖與錦帶玉真軒內粧樓外酒酣賜  
坐暖如春御筵却出安妃拜

蘇文忠九成臺銘并書額

七年公佳粵胡爲罕見手題字政寶與思古寥寥僅配  
六榕寺

二堂名皆在  
韶州官廨

是銘曾于狄守席上書登臺獨與

伯固俱廬山夢罷但隱几坐覺萬籟皆笙竽勒銘之石  
至今不可見朝暮猿鳥猶吟呼碑額大字誰所摹重書  
銘者府倅符可惜書月又訛誤僅餘其上炯炯三驪珠  
今之高臺皆短亭終古魚龍出沒舞洞庭尙想朱輪南

岳老支鼎對煮花蔓菁

本集九成臺銘及南華題名皆在建中靖國元年正月一日先生於元符三年庚辰五月自昌化貶所移廉州安置六月二十日渡海七月初至廉八月授舒州團練副使永州安置十一月復朝奉郎提舉成都玉局觀任便居住行至英州聞玉局之命故銘稱玉局散吏也是年韶州度歲次年辛巳正月五日過嶺至南安軍銘爲正月一日作無疑今石本作五月蓋重刻傳寫之訛也

張文獻公像吳道子畫

絹本上有建中元年贈司徒制旁有中書省印

宋孝宗贊云鹿入深宮花解愁牛登高鼎鍊停休當時若聽履霜語豈到峨眉山盡頭噫雖嘗

因奏薦而問公風度紫大難而遣使祭饒不識  
嗟臍禮意曲江何似荆州淳熙十三年三月已

湖

去年謁祠看石本不比畫佛傳朱繇今朝龕下禮鐵像

鐵像亦唐時寫振衣始上風度樓吳生真跡試借問嘉靖甲辰

孫岳收絹素雖黯黯風神轉超逸精彩熒熒久逾出顧

步鬱紆度若閑滿目憂虞心未畢乾坤浩蕩江海空誰

貌斯人意蕭瑟裔孫受官詣闕時選德殿贊題淳熙爲

說宮花鹿兒入手載而下想嗟臍司徒制建中年可惜

蜀中中使致祭文不傳徐會稽碑又蕪沒摩挲暉軸翹

蒼烟

訪徐浩撰公墓碑不得

石鐘巖

東洞臨江數十尺西洞纔及江之濬大鯉峽石勢多異  
洞口洞脅皆水雲洞額方廣類有字腐艸所積成荆榛  
束火時時見散石兩兩奔逸如麕麇噌吰鏜鞳復何有  
老人笑欬疑或聞陰陰深黑不敢照白日飛鼠長于人  
二碑紀遊誇始闢崔劉韓張未問津石田丹竈却安在  
我欲鑿鑿鑿毋蕪湮

同冠峽

面江猺家矮茆屋百盤箐嶂千藜竹韓公于此聽晨鳥  
我亦艤舟傍岩宿朝來衆岫變丹青白筍蒼藤與碧玉  
我舟仿佛入螺尾明滅轉旋凡幾曲冷然一洞自窈窕  
連州三峽茲起伏洞門題語誰所爲字勢夭斜不堪讀

石厓山聖傳頌

秀州龍飛起夢羊德壽上壽春日長廬陵閣老進冊罷  
旋起詔艸重華旁玉津聚景有故事觀政早入議事堂  
雲屏一夕敞內宴宣城勅爲三哥忙岸幘孩兒髮種種  
奉觴東內呼孃孃雍公建儲議本正紹興御劄儀尤章  
兩省封章早詳定輪對先數秘書郎事親治內與教子  
根本計必明綱常所以頌到勸農令勒厓大字詞琅琅  
曰傳孫子不私已此事于我光堯光又祝君師臨父母  
孝宗之孝宜無忘山風翛翛吹瀑雨迥與筆勢森迴翔  
流泉平阪重識語天藏地闕計久長浯溪中興那專美  
老矣作歌陳傳良

紹熙四年十月戊寅光宗始朝重華  
陳止齋有車駕過宮詩云老矣尙能



歌二聖不應  
專美在語溪

題黎俗圖

俚缶俚戶維島蠻數自白嶺與黑灣村崗千百海所環  
山多塵麀陸豕豕其木蕉椰雜榛菅枕榔木棉夾編爛  
沉香黃黝花梨斑周植井落城邑閒中央乃出五指山  
雲霧羃厓溪琤潺十十五五採木還以筏編載車牽攀  
其屋左右篁扉闢形如蓬背長而圓亦有編棚如市闌  
雞卜不須擲銅鍤男吉貝婦女高鬟和歌時送雙目販  
香稻拔食胥歡顏冰弓射魚技更嫻竹筒之飲及燕閑  
簾帽花笠來朱殷鄉塾齊聽

王言頒太平

治化格爾顏繪入郡乘誰能刪